

四庫全書

經部

欽定四庫全書

經部

六家詩名物疏卷十五

十六

詳校官監察御史_臣沈孫璉

通政使司副使_臣莫瞻菴覆勘

總校官中書_臣朱 鈐

校對官中書_臣吳 俊

謄錄監生_臣胡觀瀾

欽定四庫全書

六家詩名物疏卷十五

明

馮復京 撰

國風鄘二

定之方中篇

定

爾雅云營室謂之定。娵觜之口營室東壁也。注：定，正也。作宮室皆以營室之中為正。○箋云：定，星昏中而正於是可以營制宮室，故謂之營室。疏云：定，星昏正四方而

中之時謂夏之十月○廣雅云營室謂之豕韋○元命
包云營室十星挺陶精類始立紀綱包物為室○晉書
云營室二星天子之宮也一曰玄宮一曰清廟又為軍
糧之府及土功事星明國昌小不明祠祀鬼神不享離
宮六星天子之別宮主隱藏休息之所○安成劉氏云
亥月昏時定星當南方之午位為營作之候此蓋成周
以後之制考唐虞時定星以戌月昏中歲久而差至周
時定星始以亥月昏中下逮今日此星又以子月昏中

矣

楚

左傳僖二年諸侯城楚丘而封衛○鄭志答張逸云楚丘在濟河間疑在今東郡界○通典云滑州衛南縣衛文公遷楚丘即此城○一統志廢衛南縣在大名府滑縣東六十里衛文公自曹遷此隋初置楚丘縣後改衛南金省入白馬縣本朝白馬縣省入滑縣○地理志齊桓公更封衛於河南曹楚丘而河內殷虛更屬於晉

按輿地廣記漕楚丘二邑相近今拱州楚丘非衛之所遷縣有景山景岡乃後人傳會名之參括地志則拱州之景山乃商之景亳在開封府歸德州境非衛南之景山也今山東兗州府曹州曹縣東南五十里復有楚丘城有景山一統志云衛文公徙居楚丘測日景於此東昌府正秦漢東郡地濟水出陶丘北陶丘在今曹州定陶縣鄭氏疑在濟河間東郡之界或即此城也既古今所傳聊並載以俟考

宮

爾雅云宮謂之室室謂之宮○釋名云宮穹也屋見於垣上穹崇然也○世本云堯使禹作宮○白虎通云黃帝作宮室以避寒濕○禮記云君子將營宮室宗廟為先廡庫為次居室為後○周禮云室中度以几宮中度以尋內有九室九嬪居之外有九室九卿朝焉九分其國以為九分九卿治之王宮門阿之制五雉宮隅之制七雉○墨子云上古之人未知為宮室就陵而居處下

潤傷民故聖人作為宮室之法高足以避潤濕中足以禦風寒上足以待霜雪墻高足以別男女故以便生不以為樂也○董子云禮天子之宮右清廟左涼室前明堂後路寢四室者足以避寒暑而不高大也夫高室近陽廣室多陰故室適形而止○書大傳云百里之國九里之城三里之宮七十里之國三里之城一里之宮五十里之國一里之城以城為宮○風俗通云宮室一也秦漢以來尊者以為常號下乃避之也○鄭典命注云

公官方九百步侯伯官方七百步子男官方五百步

按宮者迴繞之義記曰君為廬宮之周官禮曰王宮
縣是也古者貴賤所居皆得稱宮故禮記由命士以
上父子皆異宮又云儒有一畝之宮環堵之室喪服
傳繼父為其妻前夫之子築宮廟呂氏春秋云武王
克殷請箕子之宮是卿大夫以下皆得稱宮矣秦漢
以來乃定為至尊所居之稱

揆曰

考工記云匠人建國水地以縣置槷以縣眡以景為規
識日出之景與日入之景畫參諸日中之景夜考之極
星以正朝夕○陳祥道云水地以縣則旁植四木而縣
繩焉以水望其高下所以求地之平置槷以縣眡以景
則中植一槷而縣繩焉眡其出入之景將以求四方之
正眡出入之景可以正東西而已又為規以度兩交之
間以求其南北則四方於是乎正然猶以為未也又畫
參諸日中之景夜考諸極星以正朝夕四方與朝夕皆

正然後可以建國

栗

大戴禮云八月栗零零也者降也零而後取之故不言
剥也○周禮天官云饋食之籩其實栗○禮記內則云
栗曰撰之疏云栗蟲好食數數布陳撰省視之○左傳
女贄不過榛栗棗脩以告虔也○唐本草注云栗作粉
勝於菱芡蜀本云樹高二三丈葉似櫟花青黃色似胡
桃花圖經云兗州宣州者最勝實有房彙若拳中子三

五小者若桃李中子惟一二將熟則暴開子出有茅栗
佳栗其實更小而木與栗不殊但春生夏花秋實冬枯
為異耳栗房當心一子謂之栗楔治血尤效○陸璣云
栗五方皆有周秦吳揚特饒吳越被城表裏皆栗惟濮
陽及范陽栗甜美味長他方者悉不及也倭韓國諸島
上栗大如雞子亦短味不美○西京雜記上林苑有侯
栗瑰栗魁栗榛栗嶧陽栗嶧陽都尉曹龍所獻大如拳
○埤雅云栗味鹹北方之果也有萊蜩自農秋熟罇發

其實驚躍如爆東觀書所謂栗駭也○雅翼云栗味鹹性溫而宜於腎其質縝密故稱玉縝密以栗

椅

爾雅云椅梓注云即楸○陸璣云梓實桐皮曰椅○雅翼云郭氏解椅梓云即楸又解楸榎云大而散楸小而散榎說文亦曰椅梓也梓楸也楸梓也榎楸也然則椅梓楸榎一物而四名然定之方中既言椅又言梓故詩義疏曰楸之疏理色白而生子者為梓梓實桐皮曰椅

○日華子云椅樹皮有數般惟楸梓佳

桐

爾雅云榮桐木○詩義疏云梓實桐皮曰椅今人云梧
桐也有青桐白桐赤桐白桐宜琴瑟今雲南牂牁人績
以為布○嚴坦叔云陸璣言有青桐白桐赤桐此中琴
瑟者白桐也椅桐梓漆之桐為白桐梧桐生矣之桐為
青桐○本草衍義云桐有四種白桐可斲琴者葉三杈
開白華不結子荏桐早春先開淡紅花子作桐油梧桐

四月開淡黃小花一如棗花枝頭出絲墮地成油五六
月結桐子今人取炒為果此是月令清明之日桐始華
者崗桐無花不中作琴體重○埤雅云桐即白桐華而
不實爾雅云榮桐木是也今亦謂之華桐桐有三輩青
白之外復有岡桐即油桐也生於高岡蓋梧性便濕不
生於岡故此桐有岡之號陶氏云桐有四種青桐葉皮
青似梧而無子梧桐色白葉似青桐而有子白桐與岡
桐無異惟有華子爾岡桐無子是作琴瑟者皆不足據

按青桐卽今梧桐白桐又與岡桐全異白桐無子材中
琴瑟岡桐子大有油與陶氏之說正反○雅翼云榮桐
木獨桐名榮者桐以三月華在衆木之先其榮可紀故
也桐與梧既異而桐之中又有數種有其子可以取油
者卽詩所謂其桐其椅其實離離者也有華而不實堪
作琴瑟者若生石間其聲則鳴書嶧陽孤桐是也雲南
牂牁人亦績以為布其葉飼豕肥大三倍至秋後亦用
以飼魚○賈思勰云桐葉花而不實者曰白桐實而皮

青者曰梧桐炒其實噉之味似菱芡白桐無子冬結似
予者乃是明年之花房○易緯云梧桐濡毳而又空中
難成易傷須盛氣而後華○周書云清明之日桐始華
桐不華歲有大寒○禮斗威儀云君乘火而王其政和
平梧桐為常生○遁甲經云梧桐不生則九州異主注
云梧桐以知日月正閏生十二葉一邊有六葉從下數
一葉為一月有閏則十三葉視葉小者則知閏何月也
不生則九州異君天下不同也○管子云五沃之土其

木宜桐○論衡云楓桐速長故其皮肌不能堅○桐譜云桐體濕則愈重乾則愈輕生時以斧斫之甚易乾乃軟而拒斧○花木考云凡木本實而未虛惟桐反之試取小枝削皆實堅其本皆中虛故世所以貴孫枝者貴其實也實故絲中有木聲也

按陶氏說桐之誤陸農師已駁之矣陶又云白桐一名椅桐據湛露云其桐其椅此章箋云樹六木於宮則椅桐二物也本草圖經以岡梧為作琴瑟者而埤

雅謂白桐岡桐大異本草衍義以月令始華之桐為青桐而陸羅二氏皆以榮桐木之桐為白桐蓋桐種大同小異諸家各執所見紛紛致辯亦不能詰矣

梓

詩義疏云楸之疏理色白而生子者為梓○齊民要術云白色有角者為梓或名角楸又名子楸黃色無子者為柳楸世人見其木黃呼為荆黃楸○蕭炳云樹似桐而葉小花紫○雅翼云梓為百木長故古者名制器之

工為梓人管子五沃之土宜白梓楚地尤多此木故尸
子曰荆有長松文梓室屋之間有此木則餘材皆不復
震其葉可以飼豕肥碩三倍莢細如箸其長僅尺冬後
葉落而莢猶在樹總總然○十道記云越人多種豫章
樹梓即豫章也○禮斗威儀云君乘火而王其政和平
楸梓為長生○古今注云棘實曰棗梓實曰豫章○淮
南子云六月其樹梓

漆

說文云漆木汁可以髹物象形漆如水滴而下○古今
注云漆樹以剛斧斫其皮開以竹管承之汁滴管中即
成漆也○本草圖經云木高二三丈皮白葉似椿花似
槐子若牛李木心黃○書云兗州厥貢漆絲豫州厥貢
漆柟○莊子云桂可食故伐之漆可用故割之○蜀本
注云上等清漆色黑如瑩若鐵石者好黃嫩若蜂窠者
不佳

虛

釋文云虛本作墟○說文云大丘也崑崙謂之墟○正義云地有故墟高可登之以望猶晉侯登有莘之墟也○管子云狄人伐衛衛君出致於虛注虛地名詩所謂升彼虛矣

堂

傳云楚丘有堂邑○傳氏云堂堂當是今博州堂邑博濮

二州連境

堂邑縣今屬山東昌府

景山

水經注河水分濟北逕景山東又北逕楚丘城西○補傳曰景山以大而得名商之故都也衛在商畿內升故虛以望知地勢之勝○寰宇記景山在澶州衛南縣東

南三里

澶州今直隸大名府開州
衛南縣今廢在滑縣東

京

爾雅云絕高為之京注人力所作○廣雅云四起曰京○風俗通云按爾雅丘之絕高大者為京謂非人力所能成乃天地性自然也春秋左氏傳莫之與京今京兆

京師義取於此

按爾雅云絕高為之京又云非人為之丘則京是人
力所作丘是地自然生但對例則異散稱亦通故此
傳云京高丘也若應氏所說全悖爾雅不可依用

桑

爾雅云桑柳醜條注阿那垂條○禮記云季秋之月命
野虞無伐桑柘又云古者天子諸侯必有公桑蠶室近
川而為之○管子云五粟之土其縻其桑○孟子云五

畝之宅樹墻下以桑○青史子云桑中央之木○典術
曰桑木者箕星之精神木蟲食葉為文章人食之老翁
為小童○汜勝之書云種桑五月取椹著水中濯洗取
子陰乾之治肥田十畝荒久不耕者先好耕治之黍椹
子各三升三合和種之黍桑俱生鋤之桑令疎條適黍
熟穫之放火燒之桑至春生一畝食三簿蠶○王盤農
書云魯桑之類宜飼大蠶荆桑宜飼小蠶

洪範云七稽疑擇建立卜筮人乃命卜筮曰雨曰霽曰
蒙曰驛曰克曰貞曰悔凡七衍或三人占則從二人之
言○周禮太卜掌三兆之法一玉兆二瓦兆三原兆其
經兆之體皆百有二十其頌皆千有二百凡國大貞卜
立君卜大封則視高作龜大祭祀則祀高命龜凡小事
涖卜國大遷大師則貞龜凡旅陳龜凡喪事命龜卜師
掌開龜之四兆一方兆二功兆三義兆四弓兆占人凡
卜筮君占體大夫占色史占墨卜人占坼筮人凡國之

大事先筮而後卜載師嘗之日涖卜來歲之芟獮之日
涖卜來歲之戒社之日涖卜來歲之稼○禮記曲禮云
卜筮不相襲卜筮者先聖王之所以使民信時日敬鬼
神畏法令決嫌疑定猶豫也祭義云易抱龜南面天子
卷冕北面雖有明智之心必進斷其志焉示不敢專以
尊天也○元命包云古司怪主卜○周禮圖云大夫以
上事卜且筮士則但筮尊卑之差

靈雨

瑞應圖云靈雨瑞雨也降而應物謂之靈雨

倌人

傳云主駕者

按周禮天子主駕者有巾車典路車僕等職諸侯禮
亡未聞倌人為何官也

田

說文云田陳也樹穀曰田象四口十阡陌之制也○釋
名曰土已耕者曰田田填也五穀填滿其中也○禹貢

冀州田惟中中兗州田惟中下青州田惟上下徐州田
惟上中揚州田惟下下荊州田惟下中豫州田惟中上
梁州田惟下上雍州田惟上上○周禮大司徒凡造都
鄙不易之地家百畝一易之地家二百畝再易之地家
三百畝遂人辨野之土上地夫田百畝萊五十畝餘夫
亦如之中地夫田百畝萊百畝餘夫亦如之下地夫田
百畝萊二百畝餘夫亦如之載師以宅田士田賈田任
近郊之地以官田牛田賞田牧田任遠郊之地以公邑

之田任甸地以家邑之田任稍地以小都之田任縣地
以大都之田任疆地○王制云四海之內斷長補短方
三千里為田八十萬億一萬億畝○孟子云卿以下必
有圭田圭田五十畝餘夫二十五畝○前漢志云民受
田上田夫百畝中田夫二百畝下田夫三百畝歲耕種
者為不易上田休一歲者為一易中田休二歲者為再
易下田三歲更耕之自爰其處農民戶人已受田其家
衆男為餘夫亦以口受田如比士工商家受田五口乃

當農夫一人此謂平土可以為法者也若夫山林數澤
原陵淳鹵之地各以肥磽多少為差

駾

周禮云馬八尺以上為龍七尺以上為駾六尺以上為
馬○爾雅云駾牝驪牡○埤雅云凡馬宗廟用龍戎事
用駾田事用駾駾田馬也考工記曰國馬之軻深四尺
有七寸田馬之軻深四尺鄭云國馬高八尺衡高八尺
有七寸除馬之高則餘七寸為衡頸之間也田馬高七

尺衡高七尺有七寸除馬之高則餘七寸為衡頸之間也○雅翼云駉減於龍而愈於馬亦馬之良者故釋獸稱駉牝驪牡也

蝮蝮篇

蝮蝮

釋名云虹攻也純陽攻陰氣也○爾雅云蝮蝮謂之雩蝮蝮虹也霓為蝮貳弇日為蔽雲注蝮雌虹也見離騷擊貳其別名也見尸子蔽雲即暈氣五彩覆日也○韓

詩序云蝮螭在東者邪色乘陽人君淫佚之徵○周禮云視祲掌十輝之法九曰隤注隤虹也○周書云清明後十日虹始見小雪日虹藏不見虹不收藏婦不專一○河圖稽耀鉤云鎮星散為虹霓虹霓主內淫又霓者氣也起在日側其色青赤白黃○孔演圖云霓者斗之亂精也斗失度則投霓見態主惑于毀譽○感精符云九女并御則九虹并見○考異郵云虹霓出惑衆弃和○運斗樞云樞星散為虹霓○京房易傳云蜺旁氣也

其占云妻乘夫則見陰勝陽之表也○月令章句云虹陰陽交接之氣著于形色者也陰陽不和婚姻失序即生此氣有青赤色常依陰雲而晝見于日衝無雲不見太陰亦不見見輒與日相互率以日西見于東方故詩云蜺蜺在東蜺之文从東以此故也蜺則常依蒙濁見日旁白而直者曰白虹凡見日旁者四時常有惟雄虹起是月至孟冬乃藏○白虎通曰天弓虹也又謂之帝弓○莊子云陽炎陰成虹○文子云天二氣即成虹地

二氣即泄藏人二氣即生病○淮南子云虹霓者天之忌也○埤雅云舊說虹常雙見鮮盛者雄其暗者雌一曰赤白色謂之虹青白色謂之霓故虹紅也地氣還矣天氣不復于是成虹先儒以為雲薄漏日日照雨滴則虹生今以水噀日自側視之暈為虹霓然則不暈于日不成也朝陽射之則在西夕陽射之則在東

按鄭解崇朝其雨云朝有升氣于西方終其朝則雨氣應自然朱傳云方雨虹見則雨終朝而止二說正

相反據玉厯通政經旦見于西則為雨暮見于東則雨止旦見于西而純赤者則大雨暮見于東而色黃者則雨止然則在東者截雨者也隳西者行雨者也孟子云若大旱之望雲霓蓋以此虹雖天文垂象然俗傳其能入澗飲水甚則飲薛願之酒淫陳濟之婁子不語怪故不贅焉

朝

說文云旦也○傳云從旦至食時為終朝

姻

白虎通云婦人因夫而成故曰姻○釋親云壻之父為姻壻之黨為姻兄弟

相鼠篇

齒

釋名云齒始也少長之別始于此以齒食多者長食少者幼也○說文云齟毀齒也男八月生齒八歲而齟女七月生齒七歲而齟○物理論云夫齒者年也身之寶

也藏之斧鑿所以調諧五味以安性氣者也○元命包云脣者齒之垣所以扶神設端若有列星外有限故曰脣亡齒寒

體

釋名云體第也骨肉毛血表裏大小相次第也

禮

鄭序云禮者體也履也統之於心曰體踐而行之曰禮體之謂聖履之謂賢○六韜太公對文王云禮者理之

粉澤○周官大宗伯以吉禮事邦國之鬼神亦以凶禮
哀邦國之憂以賓禮親邦國以軍禮同邦國以嘉禮親
萬民○禮記云禮儀三百威儀三千

干旌篇

干

爾雅云素錦綢杠疏杠竿也○禮緯云旌旗之杠天子
九仞諸侯七仞大夫五仞士三仞

旌

說文云旌幢也○爾雅云載旌首曰旌郭云載旌於竿頭如今之幢亦有旒李巡云旌牛尾著竿首孫炎云析五采羽注旌上也其下亦有旒綵○箋云周禮孤卿建旃大夫建物首皆注旌○周禮疏云旌旌旌羽並有至于太常以下首皆有旌羽○山海經云潘侯山有獸狀如牛而四節生毛名曰旌牛注今旌牛背膝及胡尾皆有長毛○廣志云獵牛旌牛也髀膝尾間皆有毛○禮書云爾雅旌謂之龍荀卿曰西海則有文旌地里志秦

西近邛笮有旄西方之產也其尾可以飾旗亦可以飾舞

按諸家說經九旗皆有旄旌之上必有羽下有旒綵
蓋據秦漢以羽毛為葆幢而云也

郊

爾雅云邑外謂之郊○說文云距國百里曰郊○杜子
春周禮注云五十里為近郊百里為遠郊○司馬法云
王國百里為郊二百里為州三百里為野四百里為縣

五百里為都○聘禮云賓及郊注云郊遠郊周制天子畿內千里遠郊百里以此差之遠郊上公五十里侯四十里伯三十里子二十里男十里也近郊各半之○書傳云百里之國二十里之郊七十里之國九里之郊三十里之國三里之郊

旗

周禮司常云鳥隼為旗大閱頒旗物州里建旗縣鄙建旒注州里縣鄙鄉遂之官互約言之鳥隼象其勇捷也

疏熊虎龜蛇皆二物相對則鳥隼亦別物若然鄭以勇
解隼以捷解鳥○大司馬云治兵辨旗物百官載旗注
百官卿大夫載旗者以其屬衛王也○正義云如鄭注
周禮之意則六鄉內州長黨正六遂內鄙長里宰鄰長
等五人同建旗○考工記云鳥旗七旂以象鷄火也○
爾雅云錯革鳥曰旗孫炎云錯置也革急也畫急疾之
鳥於縵也○釋名云旗譽也軍吏所建急疾趨事則有
稱譽也○禮書云司常之大閼州里建旗者州里之常

司馬之治兵百官載旗者一時之事軍國之容固不同耳干旄曰子子干旗盖州里之臣也太常而下五旗皆畫則旗畫鳥隼信矣郭璞釋爾雅謂旗剥鳥皮毛置之竿頭即禮記載鴻及鳴鳶其說非也

都

傳云下邑曰都○趙岐孟子注云邑有先君之廟曰都○周禮都鄙鄭注云都之所居曰鄙都鄙公卿大夫之采邑王子弟所食邑

旌

曲禮云武車綏旌德車結旌○周禮司常全羽為旒析羽為旌注全羽析羽皆五采繫之于旒旌之上所謂注旌于干首疏或解以為旒旌之下亦有旌旒而用絳帛又云旒車載旌注旒車木路也王以田以鄙析羽五色象文德也○疏云旌干周禮遊車所載卿得建旌者鄉射記注云旌摠名也爾雅云注旌首曰旌則干旌干旌一也既設旒縵有旗旌之稱未設旒縵空有析羽謂之

旌卿建旌者設旒綬而載之遊車則空載析羽無旒綬也○釋名云旌精也言有精光也○禮書云旒旌皆注旌而旌與羽又注于旗則羽可以飾旗又可以為旗也書曰羽畎夏翟考工記鍾氏染羽蓋古人於羽固用自然者不足則染以充之夏采言建綬明堂位言夏后氏之綬于官言夏采于旗言建綬則所綬者旌旒而已

載馳篇

言

穀梁傳云弔失國曰唁○服虔左傳注弔生曰唁

大夫

互見小雅三事大夫

白虎通云大夫大扶進人者也故傳曰進賢達能謂之大夫也大夫有上下何明卑者多也爵皆一字大夫獨兩字何春秋傳曰大夫無遂事以為大夫職在之適四方受君之法施之于民故獨兩字言之○易通卦驗云君有五期輔有三名公卿大夫政教君臣起自人皇之世伏羲因之○說苑伊尹對湯曰大夫者所以參九卿

也○儀禮說云上大夫卿也國家有三卿五大夫

阿丘

爾雅云偏高阿丘李巡曰謂丘邊高○釋名云偏高曰阿丘阿荷也如人擔荷一邊高也

蟲

爾雅云茆貝母郭云根如小貝員而白華葉似韭○陸璣云蟲今葉草貝母也其葉似枯樓而細小子在根下正白四方連累相著有分解也○本草圖經云根有辦

子黃白色如聚貝子故名貝母二月生莖細青色葉亦青似蕎麥葉隨苗出七月開花碧綠色形如鼓子花八月採根曬乾又云四月蒜熟時採之良此有數種陸璣毛詩疏云云今近道出者正類此郭注爾雅云云此種罕復見之○日華子云消痰潤心肺○本草別說云能散心胸鬱結之氣殊有功

許

春秋譜曰許姜姓與齊同祖堯四嶽伯夷之後也周公

封其苗裔文叔于許今潁川許昌是也靈公徙葉悼公
遷夷一名城父又居析一名白羽許男斯處容城自文
叔至莊公十一世始見春秋地里志潁川許縣故許國
二十四世為楚所滅○括地志故城在許州許昌縣南
三十里○一統志河南開封府許州在府城西南二百
二十里周為許國

六家詩名物疏卷十五

欽定四庫全書

六家詩名物疏卷十六

明 馮復京 撰

國風衛一

淇澳篇

與

爾雅云隩隈厓內為隩外為隈孫炎曰隈水曲中也李
巡曰厓內近水為隩郭璞云今江東呼為浦澳淮南子
曰漁者不爭隈○博物記云有與水流入淇水有綠竹

草○水經注美溝水東北注淇水博物志謂之輿水流
入于淇漢武帝塞決河用淇園之竹冠恂為河內伐竹
淇川治矢今通望淇川無復此物唯王芻篇草不異毛
興

綠

傳云綠王芻○爾雅云葦王芻疏某氏云鹿蓐也郭云
蓐也今呼鷓鴣脚莎詩綠竹猗猗是也○說文葦王芻詩
曰葦竹猗猗○大學引詩云葦竹猗猗○本草唐注云

蓋草葉似竹而細薄莖亦圓小生平澤溪澗之側荆襄
人煮以染黃色極鮮好洗瘡有效爾雅所謂王芻○雅
翼云本草名蓋草俗亦呼淡竹葉所謂終朝采綠者上
林賦稱香草云揜以綠蔥被以江離張揖亦以綠為王
芻則葇香草也而離騷云葇葇施以盈室以三者皆惡
草

竹

爾雅云竹篇蓄孫炎某氏引詩云葇竹猗猗邵云似小

藜赤莖節好生道旁可食可殺蟲○韓詩綠薄猗猗薄
篇筑也○毛傳云竹篇竹也○陶隱居云處處有布地
生華節間白葉細綠人亦呼為篇竹○本草注云生下
溼地○圖經云春中布地生道旁苗似瞿麥葉細綠如
竹赤莖如釵股節間花出甚細微青黃色根如蒿根○
朱傳云淇上多竹漢世猶然所謂淇園之竹○竹譜云
淇園衛地殷紂竹箭園也見班彪志淮南子云烏號之
弓貫淇衛之箭毛詩云綠竹猗猗是也又云植物之中

有物曰竹不剛不柔非草非木或茂沙水或挺嵒陸又
云竹之別類六十有一又云竹六十年一易根輒結實
而枯死其實落地復生六年遂成町○易云震為蒼筤
竹○尚書云揚州篠簜既敷荊州厥貢篚簠孔安國曰
篠竹箭簜大竹篋簠美竹○周官云孤竹之管孫竹之
管陰竹之管○爾雅云簜竹莽數節桃枝四寸有節鄰
堅中籥箏中仲無筦篠箭又云東南之美者有會稽之
竹箭焉○說文竹冬生草也○齊民要術云竹性愛向

西南引故園東北角種之數歲之後自當滿園其居東北角者老竹種不生亦不能滋茂故須取西南引少根也○花木考云竹之滋澤春發于枝葉夏藏于幹冬歸于根○陸疏云綠竹一草名其莖葉似竹青綠色高數尺今淇澳旁生此草其草澀礪可以洗攪笏及盤枕利于刀錯俗呼為木賊彼土人謂此為綠竹

按綠一作萊王芻也竹一作蔀篇蓄也毛韓說皆同

而竹譜朱傳皆以為卽漢書淇園之竹酈道元云淇川無竹惟王芻篇草不異毛興劉執中云淇水之芻至今多美竹豈淇園之竹在後魏無復遺種而至宋更滋茂乎然據兩漢書淇與有竹據水經注有王芻篇艸毛韓朱三家各自可通陸疏又以綠竹為一草名古今並無從其說者今木賊草醫方通用木工以治器但無華葉寸寸有節與陸說有葉者稍殊未知卽一物否也爾雅釋蕒莽等在草中然實非草類王

元美所云竹于草木如魚于鳥獸是也其類至多山海經帝俊竹共谷竹鉤端竹尋竹禮斗威儀篲竹吳越春秋晉竹述異記班竹孤竹孝竹呂覽嶰谷竹南都賦鐘籠篴篥篠簞簞吳都賦簞簞林簞桂箭射筒袖梧篴篴竹譜單名者衛篴棘單苦甘弓筋節篴節篴蓋狗蘆簞之屬雙名者蘇麻般腸百葉鷄脰篴篠之屬廣志有雲母篴漢利之屬酉陽雜俎有篴簞之屬筍譜至有八十五種竹筍及諸方志有疎節

人面絲貓叢蒨碧玉電班之屬難以具載然多出交
廣荒外非詩人所盡見也竹田曰篁竹胎曰筍竹膚
曰篴竹皮曰筠竹裏曰笨竹枚曰箇竹約曰節剖竹
未去節曰箝竹死曰箝竹有雌雄雄者多筍五月十
三日謂之竹醉日栽竹多茂盛其性惡寒好溫故曰
九河鮮育五嶺實繁然處處有之不似篇蓄但盛于
淇川也

琇瑩

說文云琇石之次王者又云瑩玉色一曰石之次王者
逸論語曰如玉之瑩

弁

皮弁

傳云皮弁○周禮司服云凡兵事韋弁服眡朝則皮弁
服凡甸冠弁服凡凶事服弁服凡弔事弁經服弁師云
王之皮弁會五采玉璫象邸玉笄注鄭司農云會以五
采束髮也玄謂會縫中也璫讀如綦綦結也皮弁之縫
中每貫結五采玉十二以為飾謂之綦邸下抵也以象

為之又云諸侯及孤卿大夫之韋弁皮弁弁經各以其
等為之注韋弁皮弁侯伯璫飾七子男璫飾五玉亦三
采孤璫飾四三命之卿璫飾三再命之大夫璫飾二玉
亦二采○白虎通云皮弁者何所以法上古至質冠名
也弁之為言樊也所以樊持其髮也○釋名云弁如兩
手相合拊時也以爵韋為之謂之爵弁以鹿皮為之謂
之皮弁以韎韋為之謂之韋弁○儀禮注云弁名出于
槃槃大也言所以自光大也○後漢輿服志委貌冠皮

弁冠同制長七寸高四寸制如覆杯前高廣後卑銳所謂夏之母追殷之章甫者也委貌以皁絹為之皮弁以鹿皮為之○魏臺訪議曰五采玉一玉有五色者也邠以象骨周緣弁下根柢如魏武帝所作弁柢凡有筭無纓曹褒云天子弁以白玉飾○舊禮圖云皮弁以鹿皮淺毛黃白者為之高尺二寸○禮書云記曰三王共皮弁素積語曰素衣麕裘則素衣其衣也素積其裳也士冠禮皮弁素積緇帶禮記雜帶君朱綠大夫玄華士緇

辟則士與君大夫皮弁之帶異矣士冠禮皮弁笄爵弁
笄緇組紘纁邊弁師王朱紘禮記諸侯青紘則士與天
子諸侯皮弁之紘亦異矣蓋皮弁天子以視朝以宴以
聽祭報以舞大夏諸侯以聽朔以巡牲以卜夫人世婦
以迎王之郊勞以待聘賓卿大夫以王命勞侯氏以聘
于鄰國以卜宅士以冠學士以釋菜凡大夫士之朔月
皆皮弁服則皮弁之所施者衆矣蓋人為者多變自然
者不易皮弁亦因其自然而已此所以三王共皮弁素

積而周天子至士共用之也然喪服小記諸侯弔必皮弁錫衰郊特牲大蜡皮弁素服葛帶榛杖以送終則弁雖與吉禮同而服與吉服不同

簣

釋器云簣謂之第注牀板○方言云牀齊魯之間謂之簣陳楚之間或謂之第○禮記云華而晬大夫之簣○說文云簣牀棧也

錫

爾雅云錫謂之釧疏云錫今白鑠也○周禮職方云揚州其利金錫栗氏為量改煎金錫則不耗○山海經云龍山之下多赤錫濯山多白錫

圭

說文云圭瑞玉也上員下方以封諸侯楚爵有執圭○白虎通云圭以為信而見何也珪者銳上象物始生見于上也信莫著于見故以之萬物之始莫不自潔珪之為言圭也上銳陽也下方陰也○周禮大宗伯云王執

鎮圭公執桓圭侯執信圭伯執躬圭又云以青圭禮東方注鎮圭以四鎮之山為瑑飾長尺有二寸雙植謂之桓桓宮室之象以為瑑飾長九寸信當為身身圭躬圭以人形為瑑飾文有麤紉耳長七寸典瑞云瑑圭以規聘四圭有邸以祀天旅上帝兩圭有邸以祀地旅四望裸圭有瓚以肆先王裸賓客珍圭以徵守以恤凶荒穀圭以和難以聘女琬圭以治德以結好琰圭以易行以除慝玉人云大圭長三尺杼上終葵首天子服之土圭

尺有二寸以致日以土地○禮器云諸侯以圭為瑞家
不藏圭言有稱也聘義云以圭璋聘重禮也已聘而還
圭璋此輕財而重禮之義也又云圭璋特達德也○聘
禮記云所以朝天子圭與繅皆九寸剡上寸半厚半寸
博三寸繅二采六等朱白蒼問諸侯朱綠繅八寸皆玄
纁繫長尺絢組凡四器者惟其所實以聘可也

四器圭
璋璧琮

凡執玉無藉者襲○瑞應圖云四海會同則玄圭出

璧

爾雅云壁大六寸謂之宣肉倍好謂之璧好倍肉謂之
瑗肉好若一謂之環孫炎曰肉身也好孔也○說文璧
瑞玉圜也璜半璧也瑗大孔璧也○周禮大宗伯云子
執穀璧男執蒲璧注穀所以養人蒲所以安人二者以
為飾皆徑五寸又云以蒼璧禮天典瑞云琢璧以覲聘
圭璧以祀日月星辰璧羨以起度○禮器云大饗束帛
加璧尊德也○白虎通云方中圓外曰璧璧之為言積
也內方象地外圓象天

重較

釋名云較有箱上為辜較也重較其較重卿所乘也○
考工記云輿人為車以其隧之半為較崇參分式圍去
一以為較圍注較兩轎上出式者兵車自較而下凡五
尺五寸兵車之較圍四寸九分寸之八疏云較謂車輿
兩相今人謂之平輿兩轎謂車相兩旁豎之者二者既
別而云兩轎上出式者以較之兩頭皆置于轎上二木
相附故據出式而言之○呂和叔云古者車箱長四尺

四寸三分前一後二橫一木下去車床三尺三寸謂之式又于式上二尺二寸橫一木謂之較去車床凡五尺五寸古人立乘若平常則憑較若應為敬則落手憑下式而頭得俯

按毛傳云重較卿士之車蓋據序武公入相于周謂之卿士其實武公是侯爵故疏云侯伯之車也賈公彥云天子與其臣乘重較之車諸侯之車不重較二說不同者周禮本無重較單較之文各以其意為說

耳或者以較出式上與式為兩層而謂之重乎

考槃篇

槃

朱子引陳氏云考扣也槃器名盖扣之以節歌如鼓盆
拊缶之為樂也○說文云承槃也○內則云進盥少者
奉槃長者奉水注槃盛盥水者○大學疏云沐浴之盤
按槃字從木周禮疏云以木為之是也陳氏云扣以
節歌則是盥槃非浴盤矣盤有以銅為者史記毛遂

奉銅槃是也有飾以珠者王府合諸侯共珠槃是也
合諸侯之禮蓋以槃盛血

阿

爾雅云大陵曰阿○廣雅云四起曰京四京曰阿○毛
傳云曲陵曰阿

陸

爾雅云高平曰陸○釋名云陸漉也水流漉而去也

碩人篇

錦

箋云國君夫人翟衣而嫁今衣錦者在塗之所服○釋名云錦金也作用功重其價如金故制字帛與金也○王制云錦文珠玉成器不鬻于市玉藻云君衣狐白裘錦衣以裼之○潛夫論云濯錦以魚

裴衣

玉藻云禪為網注有衣裳而無裏○中庸云衣錦尚絺惡其文之著也○方言云禪衣江淮南楚之間謂之裸

關之東西謂之禪衣○丰箋云裝蓋以禪縠為之中衣裳用錦而上加禪縠為其文之太著也庶人之妻嫁服也士妻紵衣纁袖

按說文裝縠也詩曰衣錦裝衣縠象屬高四五尺或七八尺葉似苧而薄實如大麻子今人績以為布及造繩索者也與禪衣之解不同

東宮

左傳注太子不敢居上位常處東宮疏常處東宮者四

時東為春萬物生長在東西為秋萬物成就在西以此
君在西宮太子常處東宮也或可據西北為乾乾為君
父故君在西東方震震為長男故太子在東也○卞壺
奏云太子所居宮稱東宮不言太子宫者二宮以東西
為稱明是天子之離宮使太子居之○白虎通云春秋
傳曰王世子會于首止晉有太子申生鄭有太子華齊
有太子光則周制太子世子亦不定也漢制天子嫡嗣
稱皇太子諸侯嫡嗣稱世子後代咸因之○孔演圖云

聖人在後曰望羊芭懷至德據少陽○冠禮記云天子之元子猶士也天下無生而貴者也○左傳里克云太子奉冢祀社稷之粢盛以朝夕視君膳者也故曰冢子君行則守有守則從從曰撫軍守曰監國○又云昔先王之命曰王后無嫡則擇立長年釣以德德釣以卜王不立愛公卿無私○常袞表云國之上嗣古曰元良觀象于天應前星之環極取法于地視少海之朝宗

妹

爾雅云男子謂女子後生為妹○說文云妹女弟也

邢

左傳富辰云凡蔣邢茅胙祭周公之脩也○通典邢州治龍岡縣祖乙遷于邢即此○括地志云邢國故城在邢州外城內西南角十三州志云殷時邢侯國周公子封邢侯都此○路史云周公之祚七靖淵封邢侯爵滅于衛○一統志直隸順德府禹貢冀州之域周時為邢國地邢臺縣附邵邢侯夫人墓在府城齊武平初有掘

古冢得銅鼎腹有科斗字云邢侯夫人姜氏墓

姨

爾雅云妻之姊妹同出為姨部云同出謂俱已嫁

譚

春秋譚子注譚國在濟南平陵縣西南○一統志譚城在山東濟南府城東七十里古譚子國漢置譚城縣

私

爾雅云女子謂姊妹之夫為私孫炎曰私無正親之言

○釋名云姊妹互相謂夫曰私言于其夫兄弟之中此人與已姊妹有恩私也

膚

釋名云膚布也布在表也

領

正義云領一名頸故禮記云其頸五寸又名項士冠禮云緇布冠頰項是也

蝤蛸

爾雅云蝎蛄蛆注木中蠹蟲又云蟻蟻螯注在糞土中
又云蟻蟻蝎注在木中今雖通名為蝎所在異又云蝎
桑蠹注即蛄蛆○方言云蟻螯謂之蟻自關而東謂之
蟻蟻或謂之蚤蟻或謂之蝻蝻梁益之間謂之蝻或謂
之蝎或謂之蝻蝻秦晉之間謂之蠹或謂之天蝻四方
異語而通者也○唐本草注云此蟲在腐柳樹中內外
潔白土糞中者皮黃內黑黯○陶隱居云大者如足大
指以背行乃駛于脚雜猪蹄作羹與乳母不能別○陳

藏器云螻蛄居糞土中身短足長背有毛筋但從水入
秋化為蟬蝎在朽木中食木心穿如錐刀一名蠹身長
足短口黑無毛節慢至春羽化為天牛兩角狀如水牛
色黑背有白點上下緣木飛騰不遙二蟲出處既殊形
質又別蘇恭乃混其狀總名螻蛄乃千慮一失矣○符
子云石生金木生蝎○化書云燥濕相育不母而生○
埤雅云螻蛄一名蛄蛄屈曲貌以形舉也詩曰領如
螻蛄蓋螻蛄之體有豐潔且白者故詩以況莊姜之領

七辯曰蝓蟻之領阿那宜顧是也此即木中蠹蟲亦曰桑蠹故古者諧從中起謂之蝓諧

按蝓蟻蝓蟻二物也蝓蟻一名蝓亦名蟻蝓一名肥齊一名教齊莊子云烏足根所化淮南云黍成王充云化復育轉為蟬博物志云以背行駛便于用足者也蝓蟻一名蝓一名蠹一名桑蠹一名蝓蟻生于桑柳柏及構木中諸腐木根下亦多有之本是二種陶隱居蘇恭俱混為一誤也蝓自是蝓蟻之異名非蠹

尾之蝎也天螻爾雅云螽即螻蛄也揚子雲言螻蛄
或謂天螻然則亦異物同名非爾雅之螽矣

瓠犀

爾雅云瓠犀瓣疏瓣瓠中瓣也一名瓠棲人之齒美者
似之衛風云齒如瓠棲是也今詩文作犀○埤雅云瓠
狀要類于首尾類于要微莖緣蔓而生風俗通云八月
秋穰可以殺瓠取其色澤而堅今俗畜瓠之家不燒穰
物類相感志云牛踏蔓上則苦以瓠盛酒冬即煖夏即

冷○雅翼云瓠匏之甘者古者王政瓜瓠果蓏殖于疆
場正月可種瓠六月可畜瓠作菑詩云斷壺瓠中白膚
所謂張蒼肥白如瓠者可以飼豕致肥其辦可以作燭
致明其葉又可為菜詩所謂幡幡瓠葉也與匏以大小
長短甘苦為間然古今亦通言惠子稱魏王貽我大瓠
之種

蟥

傳云蟥首額廣而方○爾雅蜚蜚注如蟬而小方言

云有文者謂之螭夏小正云鳴蜚虎懸○埤雅云一種似蟬而小綠色北人謂之螭即詩所謂螭首蛾眉也○方言云蟬其小者謂之麥蜚有文者謂之蜻蜻其鳴蜻謂之疋

蛾

爾雅云蠶羅注蠶蛾疏此即蠶蛹所變者也○埤雅云繭生蛾蛾生卵博物志曰食桑者有緒而蛾蛾類者先孕而後交蓋蛹者蠶之所化蛾者蛹之所化荀子曰蛹

以為母蛾以為父是也蛹一名蠅蛾一名羅孫炎爾雅正義以為蠅即是雄蛹即是雌羅即是雄蛾即是雌蛾似黃蝶而小其睂句曲如畫故詩以譬莊姜曰螭首蛾睂今一種善拂燈火夜飛謂之飛蛾一名慕光亦其類也

睂

釋名云睂媚也有斌媚也○元命包云天有攝提人有兩睂為人表候陽立于二故睂長二寸注云攝提兩星

頰曲人睂似之○黃庭經云睂號華蓋覆明珠明珠目也

目

釋名云目默也默而內識也○元命包云目肝之使○曲禮云凡視上于面則教下于帶則憂傾則姦玉藻云目容端○靈樞經岐伯曰五藏六府之精氣皆上注于目而為之精精之窠為眼骨之精為瞳子筋之精為黑眼血之精為絡其窠氣之精為白眼目者榮衛寃寃之

所常營也神氣之所生也是故目者心使也○國語單
穆公云目之察度不過步武尺寸之間其察色也不過
墨丈尋常之間○富辰云目不別五色之章為昧○論
衡云人心慧而目多采○人物志云徵神見貌則情發
于目故仁目之精確然以端勇膽之精熒然以彊○真
誥云眼者身之鏡視多則鏡昏

朱

士冠禮注云凡染絳一入謂之鰲再入謂之頰三入謂

之纁朱則四入與○朱子語類云蒔纁絳朱此紅之染數一人為蒔再入為纁三人為絳四人為朱

幘

說文云馬纏鑣扇汗也○傳云人君以朱纏鑣扇汗且以為飾

翟第

疏云婦人乘車不露見車之前後設障以自隱蔽謂之第因以翟羽為之飾○爾雅云輿革前謂之輶後謂之

第竹前謂之禦後謂之蔽李巡云第車後戶名○周禮云王后之五路重翟錫面朱總厭翟勒面績總安車彫面鷩總皆有容蓋翟車貝面組總有握輦車組輓有翬羽蓋注詩曰翟蔽以朝謂諸侯夫人始來乘翟蔽之車以朝見于君盛之也此翟蔽蓋厭翟也然則王后始來乘重翟乎重翟重翟雉之羽也厭翟次其羽使相迫也勒面謂以如玉龍勒之韋為當面飾也鷩總者青黑色以繒為之總著兩耳與兩鑣朱總績總其施之如鷩總

車衡轡亦皆有焉重翟后從王祭祀厭翟從王賓饗諸侯安車無蔽后朝見于王所乘翟車后乘以出桑輦車后居宮中從容所乘○禮書云三車取飾于翟者以其守死而不犯分披文以相質故也

朝

爾雅疏云鄭玄曰天子諸侯皆有三朝外朝一內朝二其天子外朝一者在皋門之內庫門之外大詢衆庶之朝也朝士掌之內朝二者正朝在路門外司士掌之燕

朝在路門內大僕掌之諸侯之外朝一者在皋門內應門外內朝二者亦在路寢門之外內以正朝在應門內故謂應門為朝門也○禮書云周官大僕掌燕朝之服位宰夫掌治朝之法司士掌朝儀之位朝士掌外朝之法文王世子公族朝于內朝庶子掌之其在外朝司士掌之玉藻朝服以日視朝于內朝還適路寢聽政然則文王世子與玉藻所謂朝者諸侯之朝也蓋天子庫門之外外朝也朝士掌之路門之外治朝也宰夫司士掌

之路寢燕朝也大僕掌之諸侯亦有路寢有外朝則文
王世子所謂內朝者玉藻所謂內寢也玉藻所謂內朝
者文王世子所謂外朝也玉藻于路寢之外言內朝則
又有外朝明矣

𩺰

釋器云魚𩺰謂之𩺰注最大𩺰也今江東云

鱣

傳云鱣鯉也○郭璞云鱣大魚似鰪而短鼻口在頷下

體有邪行甲無鱗肉黃大者長二三丈今江東呼為黃魚○陸璣云鱣鮪出江海三月中從河下頭來上鱣身形似龍銳頭口在頷下背上腹下皆有甲縱廣四五尺今于盟津東石磧上釣取之大者千餘斤可烝為臠又可為鮓魚子可為醬○埤雅云鱣長鼻輒骨俗謂之玉板古今注云鯉之大者為鮪鯉之大者為鱣非是也案詩曰有鱣有鮪鮪鰭鯉言鮪矣而又言鰭鯉則鮪與鯉異名矣○雅翼云鱣大者為黃鱣鮪之類雖食于

水而不正食水淮南子曰鵜鴒飲水數斗而不足鱣鮪入口若露而死故鱣鮪不善游冬乃岫居入河而眩浮亦其驗也○水經注云鱣鮪鯉也出鞏穴三月則上度龍門得度為龍矣否則點額而還○顏氏家訓云鱣魚純灰色無文

按釋魚云鯉鱣鯉鮪鮪載六魚之名也非謂鯉一名鱣鯉一名鮪鯉一名鮪也舍人孫炎之徒皆誤讀爾雅毛傳及說文因釋鱣為鯉失之遠矣此二魚吳

中所恒有形味迥然不同

鮓

說文云鮓鮓也○爾雅云鮓鮓鮓部云鮓鮓屬大者名王鮓小者名鮓鮓今宜都郡自京門以上江中通出鱣鱣之魚有一魚狀似鱣而小建平人呼鮓子即此魚也○陸璣云鮓魚形似鱣而青黑頭小而尖似鐵兜鍪口亦在頷下其甲可以摩薑大者不過七八尺益州人謂之鮓鮓肉色白味不如鱣今東萊遼東人謂之尉魚或

謂之仲明仲明者樂浪尉也溺死海中化為此魚又云河南鞏縣東北崖二山腹有穴舊說云此穴與江湖通鮪從此穴而來北入河西上龍門入漆沮故張衡賦云王鮪岫居山穴為岫謂此穴也○埤雅云鮪長鼻體無鱗甲岫居至春始出而浮陽北入河西上龍門入漆沮見日而目眩故詩人言漆沮及河通道此魚禮曰龍以為畜故魚鮪不滄而序詩者亦曰季冬薦魚春獻鮪則鮪別于魚其來尚矣故鮪仲春從河西上得過龍門便

化為龍否則點額而還水經曰鮪出鞏穴直穴有渚謂之鮪渚周禮春獻王鮪非時及他處則無○雅翼云周洛曰鮪蜀曰鮪鰭○天官獻人云春獻王鮪○月令季春天子始乘舟薦鮪于寢廟○夏小正云二月祭鮪鮪之至有時美物也鮪者魚之先至者也

蕒

爾雅云蕒蕒蕒其萌蘗又云蕒騅也注蕒草色如騅在青白之間○廣雅云蕒蕒也○說文云蕒蕒之未秀

者莢藿之初生一曰藟一曰騅藟莢也○夏小正云藿未秀為莢葦未秀為蘆○陸璣云藟或謂之荻至秋堅成則謂之藿初生三月中其心挺出下本大如箸上銳而細揚州人謂之馬尾○爾雅疏云藟一名蘆莢一名藟李巡曰分別葦類之異名郭云蘆葦也莢似葦而小實中江東呼為烏蘆如李巡云蘆藟共一草如邵云則蘆藟別草案詩大車傳云莢騅也蘆之初生則毛意以藟莢為一草衛風碩人云藟莢揭陸璣疏云云則蘆

藺別草也○埤雅云荻之初生為莢莢其未秀者也○
字說云蘆謂之葭其小曰荻荻謂之蕒其小曰葦其始
生曰莢又謂之藺荻彊而葭弱荻高而葭下故謂之荻
莢中赤始生末黑黑已而赤故謂之莢其根旁行牽捺
盤互其行無辨矣而又強焉故又謂之藺藺之始生常
以無辨惟其強也乃能為藺

按荻葦雖一類實二物也葦一名蘆其未秀者曰葭
葭一名華一物四名荻一名荻其初生曰莢莢一名


蘼一名騅其未秀曰蕪蕪一名蘼一物七名二者本相類但葦大萑小而于其中又有初生未秀既成之別耳故古今說者互有得失如字說所云尤為抵牾

庶士

毛云齊大夫送女者○朱云謂媵臣

按左傳云凡公女嫁于敵國則下卿送之于時齊衛為敵國則毛云送女者下卿也朱云媵臣媵者將送之名古者嫁女于諸侯必有媵臣伊尹為有莘氏媵

臣百里奚為秦穆公夫人媵于秦是也送女既卿不得言士卿止一人不得言庶朱義優矣



六家詩名物疏卷十六

欽定四庫全書

經部

六家詩名物疏卷十七

詳校官監察御史臣沈孫璉

通政使司副使臣英瞻葉履勘

總校官中書臣朱鈐

校對官中書臣吳俊

校對官助教臣黃昌禔

謄錄監生臣胡觀瀾

謄錄監生臣王秉鈞

欽定四庫全書

六家詩名物疏卷十七

明

馮復京

撰

國風衛二

氓篇

氓

孟子疏云周官制地之法六鄉以教為主故其地為郊
民則謂之民以其近主而有知也六遂以耕為主故其
地為野而民則謂之氓以其遠主而無知也○周禮遂

人注變民言眚異外內也眚猶懵懵無知貌○楊用修云氓之為字从民从亡流亡之民也周禮凡治野以下劑致眚以田里安眚以樂昏擾眚以土宜教眚又云新氓之治注新徙來者也若是本國之民已受田矣何必以田里安之已安土矣何必以土宜教之乎以詩與孟子證之尤可驗詩曰氓之蚩蚩抱布貿絲來即我謀送予涉淇至于頓丘此蓋氓之離其本土而淫于外州者也孟子陳相自楚之滕願受一廛而為氓此蓋去其本

土而占籍于他國者也又曰天下之民皆悅而願為之
氓若是本國何得云天下之民若是本民又何得稱氓
乎

布

傳云布幣也○釋名云布布也布列衆縷為經以緯橫
成之也又太古衣皮女工之始始于是施布其法使民
盡用之也○說文云布帛織也○漢書云太公以布為
貨廣二尺二寸為幅長四丈為疋○王制云布帛精麤

不中數幅尺廣狹不中量不鬻于市郊特牲云疏布之
尚反女功之始也玉藻云以帛裏布非禮也○周禮載
師宅不毛者有里布鄭司農云里布者布參印書廣二
寸長二尺以為幣貿易物詩云抱布貿絲抱此布也○
元命包云須女四星主布帛

按孔疏云此布幣謂絲麻布帛之布予謂毛以布為
幣本不誤但布不可以兼帛耳

頓丘

爾雅云丘一成為敦丘注成猶重也周禮曰為壇三成
今江東呼地高者為敦疏言丘上更有一丘相重累者
名敦丘詩送子涉淇至于頓丘是也○釋名云一頓而
成丘無上下小大之殺也○地里志云東郡頓丘師古
曰以丘名縣也○水經注淇水轉逕頓丘北又屈逕頓
丘西○蘇代約燕王云決宿胥之口魏無虛頓丘○竹
書紀年云晉定公三十一年城頓丘○一統志直隸大
名府清豐縣古頓丘衛邑漢為頓丘縣地屬東郡晉置

頓丘郡後廢古城在縣西南二十五里

媒

周禮媒氏掌萬民之判令男三十而娶女二十而嫁中
春之月令會男女凡嫁子娶妻入幣純帛無過五兩○
禮記曰男女非有行媒不相知名○國策云周地賤媒
為其兩譽也之男家曰女美之女家曰男美然而周之
俗不自為取妻且夫處女無媒老且不嫁舍媒而自銜
敝而不售順而無敗售而不敝者惟媒而已矣○說文

云媒謀也謀合二姓

秋

爾雅云秋為白藏注氣白而收藏○書云分命和仲宅
西曰昧谷寅餞納日平秩西成宵中星虛以殷仲秋○
書大傳云西方者何也鮮方也鮮訊也訊者始入之貌
始入者何以謂之秋秋者愁也物方愁而入故曰西方
者秋也○鄉飲酒義云秋之為言摯也摯之以時察守
義者也○月令云孟秋之月日在翼昏建星中旦畢中

其日庚辛其帝少皞其臣蓐收其蟲毛其音商律中夷
則涼風至白露降寒蟬鳴鷹乃祭鳥用始行戮天地始
肅不可以羸仲秋之月日在角昏牽牛中旦觜觿中律
中南呂盲風至鴻雁來玄鳥歸羣鳥養羞日夜分雷始
收聲蟄蟲壞戶殺氣浸盛陽氣日衰水始涸季秋之月
日在房昏虛中旦柳中律中無射鴻雁來賓爵入大水
為蛤鞠有黃華豺乃祭獸戮禽是月也霜始降則百工
休乃命有司曰寒氣總至民力不堪其皆入室艸木黃

落蟄蟲咸俯在內皆瑾其戶○夏小正云七月秀藿葦

湟潦生萍漢案戶八月丹鳥羞白鳥

蚊蚋

辰則伏

房星

駕為

鼠九月內火星

心

○素問云秋三月此謂容平天氣以急

地氣以明注云萬物夏長華實以成容狀至秋平而定

也○尸子云秋為禮西方為秋秋肅也萬物莫不禮肅

敬之至也○漢書魏相奏云西方之神少昊乘兌執矩

司秋○月令注云孟秋日月會于鶉尾仲秋日月會于

壽星季秋日月會于大火

堠垣

莊子云鵲上城之堠司馬彪曰堠最高危限之處○釋名云垣援也人所依阻以為援衛者也○禮書云垣宮室之外牆○釋文曰卑曰垣

復關

寰宇記云澶州臨河縣復關城在南黃河北阜也復關隄在南三百步自黎陽下入清豐縣界○一統志復關隄在直隸大名府開州城西南古黃河岸北衛詩以望

復闢即此

筮

繫辭云大衍之數五十其用四十有九分而為二以象
兩掛一以象三揲之以四以象四時歸奇於扚以象閏
五歲再閏故再扚而後掛天數五地數五五位相得而
各有合天數二十有五地數三十凡天地之數五十有
五此所以成變化而行鬼神也乾之策二百一十有六
坤之策百四十有四凡三百有六十當期之日二篇之

策萬有一千五百二十當萬物之數也是故四營而成
易十有八變而成卦八卦而小成引而伸之觸物而長
之天下之能事畢矣○洪範云乃命卜筮曰貞曰悔占
用二衍忒○禮記云龜為卜筮為筮疑而筮之則弗非
也又云孟冬命太史饗龜筮又云天子無筮諸侯有守
筮○周禮云太卜掌三易之法一曰連山二曰歸藏三
曰周易其經卦皆八其別皆六十有四筮人辨九筮之
名一曰巫更二曰巫咸三曰巫式四曰巫目五曰巫易

六曰巫比七曰巫詞八曰巫參九曰巫環以辨吉凶凡國之大事先筮而後卜上春相筮凡國事共筮○鄭魴禹穴碑云伏羲得神蓍而定皇策○世本云巫咸作筮○古史考云庖犧氏作始有筮其後殷時巫咸善筮

鳩

傳云鳩鵲鳩也○爾雅鵲鳩鵲鵲舍人曰今之班鳩某氏曰春秋云鵲鳩氏司事春來冬去孫炎曰一名鳴鳩月令云鳴鳩拂其羽郭璞曰似山鵲而小短尾青黑色

多聲今江東亦呼為鵲鵲○本草云鵲嘲南北揔有似鵲尾短黃色在深林間飛翔不遠○廣雅云鵲鵲鵲也○埤雅云鵲鵲一名鳴鵲一名鶯鵲莊子所謂蜩與鶯鵲笑之者也多聲故名鳴鵲鳴鵲小物決起而飛搶榆枋時則不至控于地而已矣陸璣云鵲鵲一名班鵲蓋班鵲似鵲鵲而大鵲鵲灰色無繡項陰則屏逐其匹晴則呼之語曰天將雨鵲逐婦者是也班鵲項有繡文班然故曰班鵲與此鵲鵲全異璣之言非今此鳥喜朝

鳴故曰鵲嘲也○周書時訓云穀雨又五日鳴鳩拂其羽鳴鳩不拂其羽國不治兵○許叔重云鳴鳩奮迅其羽直刺上飛數千丈入雲中

案本草言鵲嘲飛翔不遠而許叔重謂直入雲中豈所見各異耶莊子所云與本草合則許說非也

甚

古今注云桑實為椹○爾雅云桑辦有甚椹郭璞曰辦半也舍人云桑樹一半有甚半無甚為椹○陳藏器云

榘利五藏通血氣久服不饑○本草圖經云榘有白黑二種暴乾皆主變白髮○傳云鳩食桑甚過則醉而傷其性○王盤農書云荆桑多榘魯桑少榘

歲

爾雅云載歲也夏曰歲商曰祀周曰年唐虞曰載郭璞曰歲取歲星一次○廣雅云歲遂也○乾鑿度孔子云八卦用事各四十五日而備歲事○後漢志云日周于天一寒一暑四時備成萬物畢改攝提遷次青龍移辰

謂之歲○鄭玄云中數曰歲朔數曰年○埤雅云於文步戌為歲歲騎兩稔故步戌至戌謂之歲也○呂覽云后益作占歲

帷裳

周禮王后之重翟厭翟安車皆有容蓋註鄭司農云容謂檐車山東謂之裳帷或曰幢容○詩正義云以幃障車之旁如裳以為容飾故或謂之帷裳或謂之童容其上有蓋四旁垂而下謂之檐故雜記曰其輅有褱注云

褱謂鼈甲邊緣是也然則童容與檐別司農云謂檐車者以有童容上必有檐故謂之云檐車也此惟婦人之車飾為然故士昏禮云婦車亦如之有檐是也

婦

說文云婦服也從女持帚洒掃也○公羊傳云稱婦有姑之辭○周禮九嬪掌婦學之法以教九御婦德婦言婦容婦功○家語云無專制之義有三從之道幼從父兄既嫁從夫夫死從子言無再醮之端教令不出於閨

門事在共酒食而已無間外之非儀也不越境而奔喪
事無擅為行無獨成叅知而後動可驗而後言晝不遊
庭夜行以火所以效匹婦之德也○左傳云女待人婦
義事也

岸

爾雅云望厓洒而高岸疏望視也厓水邊也洒水深也
言視水邊之厓其下水深其厓高峻者名岸又云重厓
岸

泮

傳云泮坡也○朱傳云泮涯也高下之判也

總角

內則云男女未冠笄者總角衿纓注云總角收髮結之
○莆田傳云總角聚兩髦也

竹竿篇

佩

釋名云佩倍也言非一物有倍貳也有珠有玉有容刀

有悅中有觴佩之屬也○禮記云古之君子必佩玉石
徵角左宮羽趨以采齊行以肆夏周還中規折還中矩
進則揖之退則揚之然後玉鏘鳴也故君子在車則聞
鸞和之聲行則鳴佩玉是以非辟之心無自入也君在
不佩玉

注云謂世子

左結佩右設佩居則設佩朝則結佩齊

則綰結佩而爵韞凡帶必有佩玉惟喪否佩玉有衝牙
君子無故玉不去身君子于玉比德焉天子佩白玉而
玄組綬公侯佩山玄玉而朱組綬大夫佩水蒼玉而純

組綬世子佩瑜玉而綦組綬士佩璫玟而緼組綬孔子
佩象環五寸而綦組綬又云子事父母左右佩用左佩
紛帨刀礪小觶金燧右佩玦捍管籥大觶木燧婦事舅
姑左佩紛帨刀礪小觶金燧右佩箴管線纁施繁褱大
觶木燧男女未冠笄者皆被容臭又云主佩倚則臣佩
垂主被垂則臣佩委○左傳云佩褱之旗也○大戴禮
云下車以佩玉為度上有雙衡下有雙璜衝牙玼珠以
納其間琚瑀以雜之○三禮圖云凡玉佩上有雙衡衡

長五寸博一寸下有雙璜璜徑三寸衝牙螭珠以納其間上下為衡半璧為璜璜中橫以衝牙以蒼珠為瑀○孔穎達云佩玉上繫于衡下垂三道穿以螭珠前後下端垂以璜中央下端垂以衝牙○白虎通云所以必有佩者表意見所能故修道無窮即佩環能本道德即佩琕能決嫌疑即佩玦是以見其所佩即知其能若農夫佩其耒耜工匠佩其斧婦人佩其鍼縷也○蔡謨毛詩疑字議云佩者服用之稱珮者玉器之名稱其服用則

字從人名其器則字從玉○禮書云衡以平其心璜以
中其德琚欲其有所安牙欲其有所制佩奚適而非道
耶古有德佩有事佩德佩則左右皆玉事佩則左紛恍
右玦捍之類左佩皆五右佩皆六以左陽而奇右陰而
偶故也左佩者小右佩者大以左手不如右強故也詩
曰佩玉之儺佩玉瓊琚衛之南子環佩璆然阿谷之女
佩璜而澣皆婦人佩也其等衰不可考或亦視其夫而
為之度與

檜

爾雅云檜柏葉松身○禹貢云荊州貢杞幹栝柏注栝
葉松身曰栝○字說云檜栝葉松身則葉與身皆曲樅
松葉栝身則葉與身皆直樅以直而從之檜以曲而會
之○雅翼云檜一名栝性耐寒其材大可為舟及棺槨
左傳稱棺有翰檜而淇水檜楫松舟也今人亦謂之圓
栝以別于側栝又有一種別名檜栝不甚長其枝葉乍
檜乍栝庭宇植之以為玩

楫

易云剡木為楫○書云若濟巨川用女作舟楫○說文云楫舟櫂也○方言楫謂之橈或謂之櫂所以隱櫂謂之櫂所以懸櫂謂之楫○釋名云楫捷也撥水舟行捷疾也○淮南子云七尺之楫動大船者因水為資

松

書云青州厥貢鈐松怪石○禮記云其人也如松柏之有心也貫四時不改柯易葉○左傳太叔云部婁無

松柏○禮斗威儀云君乘木而王其政平則松為常生
○莊子云天寒既至霜雪既降吾是以知松柏之茂○
史記云松柏為百木長也而守宮闕○玄中記云松脂
淪入地中千歲為茯苓○本草云松脂一名松膏一名
松肪松花一名松黃○太平廣記云五鬣松皮不鱗俗
謂孔雀三鬣松也松命根下遇石即偃○花木考云松
有二種惟五葉者結子

芄蘭篇

芄蘭

爾雅云藿芄蘭郭云蔓生斲之有白汁可啖○陸璣云
一名蘿摩幽州人謂之雀瓢蔓生葉青綠色而厚摘之
白汁出食之甜脆鬻為茹滑美其子長數寸似瓠子○
箋云芄蘭柔弱恒蔓延於地有所依緣○沈括云芄蘭
之支支莢也芄蘭生莢支出于葉間垂之如觴狀其葉
如佩韞之狀

支

支石經作枝○說文云木別生條也

童子

說文僮未冠也从人童聲又云男有罪曰奴奴曰童女
曰妾从辛重省○內則云成童舞象學射御注云成童
十五以上

按說文僮童二字有辨今經傳通作童

鰓

禮記云子事父母婦事舅姑左佩小鰓石佩大鰓注鰓

貌如錐以象骨為之○說文云觿佩角銳端可以解結
○毛云成人之佩也○劉向云治煩決亂者佩觿

容

箋云容刀也孔仲達云容飾之刀○考工記曰桃氏為
办注办刀劍之屬○少儀云刀卻办授頰削授拊○釋
名云刀到也其末曰鋒若鋒刺之利也其本曰環形似
環也佩刀在佩旁之刀也或曰容刀有刀形而無办備
儀容而已○禮書云直而本環者刀曲而本不環者削

○洞冥記云黃帝采首山之銅始鑄為刀○春秋繁露云刀在右白虎之象也

遂

箋云遂瑞也○爾雅云璲瑞也郭璞云玉瑞也○孔氏云大東云韜韜佩璲璲本所佩之物又云禮以玉為瑞信其官謂之典瑞正謂所佩之玉

帶

釋名云帶帶也著于衣如物之繫帶也○大戴禮云黃

帝黼黻衣大帶○晉語云內子為大帶○禮記云子事

父母鞶紳搢笏婦事舅姑笄總衣紳又云天子素帶朱

裏終辟

注辟讀如禪以繒采飾其側也

而素帶終辟

注謂諸侯不朱裏合素為之下天子

也

大夫素帶辟垂

禪其紐及末

士練帶率下辟

率練也士以下皆禪不合

而緯積禪其末而已

居士錦帶弟子縞帶并紐約用組三寸

約帶紐組

之廣長齊于帶紳長制士三尺有司二尺有五寸

有司府史之屬

子游曰參分帶下紳居一焉紳鞶結三齊革帶博二寸

凡佩繫于革帶

大夫大帶四寸雜帶

雜猶飾也即上之禪

君朱綠

上以朱下以綠

終之

大夫玄華

華黃色大夫裨垂內以玄外以華

士緇辟二寸再緇四寸

士裨垂之下外內皆以緇大夫以上以素皆廣四寸士以下廣二寸再緇之

凡帶有率無箴

功

凡帶有司之帶無箴功則不裨之

案古者帶有二左傳帶裳幅舄之帶革帶也又云鞶

厲游纓鞶大帶也革帶用以繫佩韎然後加以大帶

笏搢于二帶之間天子至士大帶皆合帛為之或以

素或以練其裨飾亦別蓋朱正陽之色綠少陽之雜

天子諸侯體陽而兼乎下故裨以朱綠玄與緇者陰

之體華者文之成大夫體陰而有文故飾以玄華士則體陰飾以緇而已於大夫言帶四寸於士言紳三尺則推而上可知故此篇箋云垂紳帶三尺

韞決 沓

傳云韞決也能射御則佩韞○說文云射決也所以拘弦以象骨韋系著右巨指○周禮繕人掌王之用挾拾注挾挾矢時所以持弦飾也著右手巨指士喪禮曰挾用正王棘若擇棘則天子用象骨與○禮記曰子事父

母右佩玦捍○鄉射禮袒決注決猶闔也以鈎弦闔體
○賈公彥云挾諸侯及大夫生用象死用棘天子死生
皆用象取其滑○箋云韞之言沓所以彊沓手指○大
射朱極三注極猶放也所以韞指利放弦也以朱韋為
之三者食指將指無名指無極放弦契于此指多則痛
小指短不用○士喪禮續極二注生者以朱韋為之而
三死用續又二明不用也○禮書云考之射禮右巨指
著決所以鈎弦食指中指無名指著沓所以放弦左臂

著拾所以遂弦鞞謂之極以其中于指也謂之沓以其
沓于指也毛氏許慎以鞞為決誤矣

繁決決扶三字實一物也沓極二名亦一物也鞞之
為決許叔重亦以為然鞞之為沓則鄭氏一家之說
而已孔仲達云鄭以禮無以鞞為決者故易之為沓
然則以鞞為沓又出何禮文耶

六家詩名物疏卷十七